

〔續日本紀^{十一}聖武〕天平三年十二月乙未、詔曰^略。○中、粵得治部卿從四位上門部王等奏、備甲斐國守外從五位下田邊史廣足等所進神馬、黑身白髮尾^略。○中、宜大赦天下、賑給孝子順孫高年鰥寡、惻獨不能自存者^略。○下

〔續日本紀^{十四}聖武〕天平十四年八月甲戌、令左右京四畿內七道諸國司等、上孝子順孫義夫節婦力田人之名、

〔日本後紀^{十四}平城〕大同元年五月辛巳、卽位於大極殿、詔給諸社禰宜祝及諸寺智行僧尼孝義人等位一階、

○按ズルニ、孝子順孫ヲ旌表或ハ賑恤セラル、ハ、列聖ノ常典ニシテ、吉凶禍福アル毎ニ必ズコノ事アリ、今一二ヲ舉ゲテ餘ハ省略ニ從フ、

〔續日本紀^六元明〕和銅七年十一月戊子、大倭國添下郡人大倭忌寸果安、添上郡人奈良許知麻呂^略。○中、並終身勿事、旌孝義也、果安孝養父母、友兄弟、若有人病飢、自賚私糧、巡加看養、登美箭田二鄉百姓咸

感恩義敬愛如親、許知麻呂立性孝順、與人無怨、嘗被後母讒、不得入父家、絕無怨色、孝養彌篤、靈龜元年三月丙午、相模國足上郡人丈部造智積、君子尺麻呂、並表閭里、終身勿事、旌孝行也、

〔續日本紀^{二十九}稱德〕神護景雲二年二月壬辰、備後國鞆田郡人綱引公金村、年八歲喪父、哀毀骨立、尋丁母艱、追遠益深、賜爵二級、復其田租終身、五月辛未、甲斐國八代郡人小谷直五百依、以孝見稱、復其田租終身、信濃國更級郡人建部大垣、爲人恭順、事親有孝^略。○中、並免其田租終身、

〔續日本後紀^二仁明〕天長十年十月辛卯、安藝國言賀茂郡人風早富麻呂、德行懿美、孝養自厚、父母歿後、口絕五味、哀慕之情無暫忘、特勅叙三階、免戶田租、

〔續日本後紀^五仁明〕承和三年十二月辛丑、安房國言安房郡人伴直家主、立性肅然、常守孝道、父母歿後、口絕滋味、建廟設像、四時供養、事死如生、未嘗懈倦、量其因心、可謂孝子、勅宜叙三階、終良免戶田租、旌